

Менам чужан муӧй.

Менам чужан муӧй – тайӧ Коми республикаын Кулӧмдін районса Жежим грезд, кодӧс ме зэв ёна радейта.

Гожӧмнас тані миян зэв мича. Гӧгӧрбок грезднымӧс кытшовтӧны видзьяс, а видзьяс вылын быдмӧ унапӧлӧс дзоридз, позьӧ кыны мича юркытш да юрад пысалӧмӧн гуляйтны грезд кузя. Нылын визувтӧ Жежим ю, позьӧ пӧттӧдзыд сәні купайтчыны. Ывлаыс шоныд, сӧмын номьяс дӧзмӧдчӧны. А со туй саяс тыдалӧ миян вӧрным, сәні быдмӧ унапӧлӧс тшак да тусь.

Арнас пуясыс вежӧны паськӧмнысӧ, лоӧны зэв мича рӧмаӧсь. Туруныс кольквижӧдӧ. Но ньӧжйӧникӧн ывлаыс кӧдздӧдӧ, лӧбачьяс чукӧртчӧны да лӧбӧны лунвылӧ. Но вӧрысь позьӧ на аддзыны тшак, а нюрысь вотны уна пув да турипув. Арнас керам капуль, убӧритам морков, свеклӧ. Дасьтысям тӧв кежлӧ.

Тӧвнас ставыс еджыд, ывлаыс кӧдзыд. Керка крыша вевт улын ӧшйӧны йинӧньяс. Юным йизьӧ, позьӧ конькиӧн иславны. Гӧгӧрбок лымйыс югьялӧ, весиг синтӧ ёрӧ. Но ывлаыс ӧдйӧ пемдӧ. Тӧвнас ми ислаам чой вывсянь даддӧн, ватрушкаӧн, лыжиӧн. Виль во кежлӧ ваям мича коз.

Кор локтӧ тулыс, вӧр-ваыс ловзьӧ, бӧр локтӧны лунвылысь лӧбачьяс, ю заводитӧ визувтны - кывтны, видзьяс вывті ызгӧмӧн визувтӧны шорьяс.

Ме радейта ассъым чужан муӧс сы вӧсна, мый ме чужи да ола тані, сйӧ ыджыд, ён вына, мича. Чужан муӧй век лоӧ менам сьӧлӧмшӧрын. Ме кӧсья, мед сйӧ вӧлі югыдӧн, эз вӧв нйӧтӧн. Со кутшӧм кывбур воис менам юрӧ чужан му йылысь:

Чужан муӧй – сьӧлӧмшӧрӧй,

Радейта ме тәнӧ!

Кутшӧм мича чужан муӧй!

Кутшӧм ыджыд чужан муӧй!

Лоа пыр ме тӧкӧд!

Чужан муын миян эм уна озырлун: помтӧм-дортӧм вӧр, дона куа зверьяс, уна пӧлӧс пӧтка, сӧстӧм да югыд ю, уна пӧлӧс чери. Ме радейта ветлӧдлыны вӧрӧ вотны тшак да унапӧлӧс вотӧс.

Ме радейта ассъым чужан муӧс и кӧсья, мед сйӧ водзӧ паськалӧ да некор оз куслы сӧтӧн олӧмыс.